



## PRAEFATIO EDITIONIS SECUNDÆ.



Vm manum ad librum III. Decretalium admoui, eiusque usum in foris protestantium ad methodum, qua ad lib. I. & II. in iure ecclesiastico Protestant. usus sum, eruere constitui, potiora huius libri capita iam antea a me in tractatu de iure parochiali anno 1701. edito, explicata esse vidi, simulque obseruaui, labori, quem suscepit, aliquam inde allationem adferri posse. Quia tamen simul (1) cognitum perspectumque habebam, editionem primam huius tractatus incidisse in manum correctoris infelicissimi, & quidem ex sordida typographi, alibi habitantis, avaritia, qui data fide, omnia quæ ad *anglicanum* pertinere posse videntur, sibi curæ cordique fore promiserat; præterea (2) adhuc quædam materiæ scitu necessariæ operi deesse videbantur, denique (3) ipsius libri copia in bibliopoliis amplius haberri non poterat, de noua editione accuratius & paulo plenius efformanda cogitare cœpi, vt eo rectius ad illustrationem lib. III. Decretalium, cuius usum modernum in terris protestantium iam prelo subieci, facere posset. Hunc in finem hinc inde quædam mutauit, plenius declarauit, obseruationibus nouis auxi, & responsis, decisionibusque exornauit. Addidi præterea duas nouas sectiones, VI. scilicet & VIII., quæ iura parochialia intime afficiunt, vt ab iis separari haud potuerint. Quæ adhuc deesse videntur, non prætermittam in expositione usus hodierni ad librum III. Decretalium, in qua spicilegium aliquod me facturum esse confido. Dab. in regia Fridericana d. 1. Dec. MDCCXV.

MONI-